





史料卷之三

宇多天皇事記第二下

起仁和四年七月盡十二月

七月大 丙申朔

廿三日 戊午 令不依前司雜怠拘絆後任人事

類聚三代格云太政官符忘不依前司以往

雜事未辦濟拘絆後任人事 上 右得太宰大貳

從四位上藤原朝臣保則解狀備管内諸國

調庸未進租稅未納及所司勘出種二雜怠



觸類繁多前司分付之日後司具注不與解
由狀言上勘解由使勘判云前司後任相共
辨濟者謹案勘判旨雖以往之怠在各時吏
而勘判之例延及後任者為令後任之吏兼
濟以往之事也而今當時庶務尚難營辨往
年雜怠何暇究成靜尋事理知吏難堪何者
或國司忘身徇國無有關改然而去任之日
猶絆前事遂使勤惰相混功過不明良吏沈

滯職此之由或國司到任之初見舊累難可
脫已變勤王之節還成顧私之慮望其清慎
亦不可得今反覆事意討論利害與其空責
以往之怠不如先勸當時之績望請國司若
有任中雜務辨濟無闕者特寬已往之怠勿
令拘絆其身但調庸租稅國之大事其租稅
者元有徵率之例至于調庸未必有例重望
准租稅徵率以為當時之務又若有當時之

外更濟舊事及過徵率分者隨其功效將進
爵級

令返却有調庸等未進國司解由事

又云_下應進解由吏有任中調庸雜物未進者
返却解由事右同前解狀備貢進調庸既有
程限支度國用最為大要因茲違期麁惡等
之責載在格條而或國司頻致未進動闕國
用至于遷替適被放還承前之例所以知其

有怠猶收解由者為令後任之吏相代辦填
然而當任之務每多擁滯以往之事不遑兼
濟是以調庸未進逐年猥積公家支用臨時
闕欠論之政途理須乖例望請國司進解由
之日若有任中調庸雜物未進者返却解由
令慎將來以前左大臣宣奉勅依請自餘諸
國亦宜准此仁和四年七月廿三日

八月小 丙寅朔

十五日庚辰牽信濃御馬事

西宮記引天曆八年八月十六日小一條記云牽信濃御馬府陣儲饗先是令勘諒闇年件饗有無之由去仁和四年有饗承平元年不引御馬依仁和例儲饗也

石清水放生會始為所司沙汰事

神葉集云貞觀五年八月十五日始修放生會石清水別當安宗沙汰行之仁和四年八

月十五日為所司沙汰別當未補之故以之為始

十七日壬午先帝周忌御齋會事

花鳥餘情云新國史云仁和四年八月十七日於新造西山御願寺仁和寺行先帝周忌御齋會光孝仁和寺金堂供養事

帝王編年記云八月十七日供養仁和寺金

堂葛野郡小松鄉奉為先帝所創立也

仁和寺諸堂記云仁和寺小松^{光孝}天皇御時建
立寬平法皇御時被供養別當所司六人

元亨釋書云寬平元年八月仁和寺落成沙

門真然為慶導師按本各資治表年號有涉
二帝者則必以踐祚次年

為元年故寬平年中注某年
者後於他各一年下做此

伊呂波字類抄云仁和寺光孝天皇御宇造

之仁和四八月日供養導師權大僧都真然

仁和年中建立依之號仁和寺格云寬平御

三代奉為仁和先帝所創立也其定額僧十口
云二

鬼出緣松原事

皇年代略記云仁和四八十七夜武德殿東

松原有鬼食人按歷代皇紀為十六日帝王
編年記為寬平四年去去年

八月既有此事姑存
之以明傳聞之誤

三代實錄云仁和三年八月十七日戊午

今夜亥時或人告行人云武德殿東緣松

原西有美婦人三人向東步行有男在松
樹下容貌端麗出來與一婦人攜手相語
婦人精感共依樹下數刻之間音語不聞
驚恠見之其婦人手足折落在地死其身
首右兵衛右衛門陣宿侍者聞此語往見
死有可屍所在之人忽然消失時人以為
鬼物變形行此屠殺

九月大 乙未朔

三日 丁酉 依大嘗會停御燈事

小右記云有大嘗會之年停九月三日御燈
之例三代實錄云貞觀元年九月三日乙卯
停御燈潔齋以有大嘗會事也仁和四年日
記云九月三日丁酉無內裏御燈之事
北山抄御燈條云伊勢齋王羣行之年給官
符京畿及近江伊勢等國此月停奉燈北辰
式隨無潔齋大嘗會年又無此事貞觀元年

元慶八年仁和四年等例如之

九日癸卯中納言能有等兼任事

公卿補任云中納言從三位漁能有九月九日兼民部卿辭左衛門督使別当如元參議從三位源冷右兵衛督九月九日任左衛門

督按一代要記又載之

十五日巳酉勅巨勢金岡令畫御所障子事

扶桑略記云九月十五日午二刻勅令畫師

巨勢金岡畫于御所南庇東西障子令直方興基惟範時平朝臣等擇弘仁後鴻儒之堪

詩者即令金岡圖其狀矣按帝王編年記為寬平四年

十七日辛亥依參議廣相事賜使於太政大臣基

經事

政事要略云御日記云九月十七日朕博士之事命送太政大臣其辭曰先日太政大臣參入時以具事示時平朝臣厥後世間噉

萬端况乎復朝政壅滯天下愁苦以是等事
問左大臣融即答曰此事如是諸務猥集一日
希曰為陳官事罷向大臣家昨日以前設官
史座今日无也仍令人每事通陳返答曰阿
衡之趣当案以否哉何以來耶希答曰无案
閉口徒還云二厥後召明經博士愛成助教
月雄左少辨佐世等與廣相朝臣相對使各
詳指其正條愛成等奏曰阿衡者三公官名

无所執當但三公之事件人等所引言違謬
吾博士所指明左大臣曰彼是有所執不伏
須罷退陣頭辨問之耳俄而還奏曰无智而
兩論難辨嘩喧不斷吾又共問之博士所問
如故佐世所答又如先問答猶未悉詳朕内
心鬱憤頃之左右云嗷二轉起爰未定其事
耳如此之旨示送太政大臣

廿二日丙辰藤原胤子為更衣事

大鏡裏書云贈皇太后宮胤子勸修寺贈太
政大臣高藤公女仁和四年九月廿二日為
更衣同日聽禁色

是月殘菊宴事

雜言奉和惜秋翫殘菊應製前美濃介從五
位下臣島田朝臣忠臣上一叢寒菊咲千金
夜翫殘榮秋欲深月挂混香依檻外灯花和
色隔紗陰簾褰星苑陶籬接閣倚天潢鄴水

浸除却葉珠宮裡觀不如此夕拜乾臨大外
記外從五位下臣大藏朝臣善行上黃星
與白皚野種疎根禁掖栽增映応同殘月
助孤奢不被曉霜摧多憐晚色寒初綻難見
鮮花歲盡開此艷那逢秋後發雞人莫報漏
頻催大藏少丞正七位下小野朝臣滋陰上
何處翫殘菊清商欲晚時金花留北闕玉葉
少東籬白露凝紅粉丹霜染素絲聖君殊愛

惜鄴縣是應移文章生正七位上臣藤原朝
臣菅根上仙叢省禁繞階繩黃似黃金白似
冰籬朶秋深非柳圈砌花夜久映蘭燈宮人
側目雖摧盡聖主降憐免犯凌終有兩三霜
後色天長應獻歲寒徵阿波權守臣藤原朝
臣直方上晚秋欲盡景將斜愛翫深宮殘菊
花欲道銀臺芬馥色黃金數朶異陶家彈正
大弼從四位下臣平朝臣惟範上送盡秋風

百草空禁闈孤有菊殘叢花光暮與秋光暮
一種蕭條翫惜中左近衛將監臣藤原滋實
上時臨木落百叢微可惜黃花變紫稀馮託
秋風留莫散是尤仙殿万年暉左衛門少尉
臣藤原定國上可惜素秋花菊朶時來憐見
晚光寒何因今夜心情切洞裏仙庭一色殘
蔭子橘公緒上九月秋將盡天臨翫菊芬色
和庭上燎香混閣中芸酒客攀相伴詩仙繞

作羣五更猶未睡共詠舜南薰蔭子藤原如
道上紫禁秋天晚夜來殘菊奢軒前凝雪聳
臺上帶霜斜裁錦純青葉點珠半白花蕭條
垂原處似擲舞人釵右近衛少將正五位下
臣源朝臣湛上三秋已盡變冬律殘菊承霜
一兩莖香獨先梅飛曉月色同白雪夕灯清
藏人正六位上行兵部少丞臣藤原朝臣老
快上三秋已晚千花盡紫禁孤叢似鬱金不

異微臣殘悴色將含濃露表丹心蔭子藤原
有賴上禁省翫花秋恨長是因風氣散芬芳
孤叢白映流光日數片紅逢殺色霜挂聚可
慙獨自盛梅園正妬發先香瓊漿本自殊凡
草只任栽來獻聖王天皇御製金風吹起欲
六終處殘菊前簷堪愛芳何事殷勤今夜翫明
年此節示愚王朕才似晚成人可不見毀○
按本曆不注年紀今據定國
湛位署為仁和四寬平元年兩年之間無疑又
以田氏家集寬平元年不載此詩知非元年

雖仁和四年作闕失
不可考推以爲此年

十月小乙丑朔

六日庚午藤原温子入内事

九日癸酉温子爲女御事

一代要記云藤温子仁和四年十月六日初

入内同九日爲女御按古今集目錄云六日爲女御蓋涉入内誤也

十五日己卯大判事直宗等勘廣相罪名事

政事要略云勘申左大辨正四位下橘朝臣

廣相犯罪事右被上宣傳万機巨細滌白太
政大臣之狀詔書下訖而上表固執閑退之
志爰令作勅答之人廣相引阿衡之文仍令
道二人勘申云阿衡无典職者而廣相猶
申有典職不伏仍今年六月七日重下詔書
傳詔本意万政關白欲其輔導前詔下也而
奉旨作勅答之人廣相引阿衡彼已乖勅本
意宜勘申其罪者謹檢詔律云詐爲詔書

及增減者遠流注云謂因詔勅成文而增減
其事名例律云五位以上犯流罪以下減一
等又條云犯私罪以官當徒者五位以下一
官當徒二年仍解見任職事又條云以官當
徒者罪輕不盡其官留官收贖又條云以三
流同為一減者引无典職阿衡已乖勅本意
准檢律條不異增減詔書仍從遠流請減一
等徒三年身帶正四位下以正四位下一階

當徒二年餘一年合贖銅廿斤仍解見任職
事仍勘申如件仁和四年十月十五日左衛
門少志櫻井貞世右大史兼明法博士凡春
宗勘解由次官兼大判事播戶大掾惟宗直
宗件勘文未進之前有恩詔被免仍不進之
又管家奉昭宣公書云某萬死再拜願賜從
容某今日偷入皇城適有或人告以一事
曰左大辨廣相朝臣奉勅作答大府上章之

勅書云以阿衡之任為公之任明經善淵愛
成等引毛詩尚書君奭之義即述其說云阿
衡者三公之官坐而論道紀傳藤原佐世等
摘後漢書論晉簡文紀之句更釋其意云阿
衡者或稱丞相又名拱政六月七日宣命云
作勅答之人廣相引阿衡以乖朕之本意去
十月大臣命明法博士云定廣相所當之罪
名廣相忌避阿衡久不出仕夫作文者不必

取經史之全說雖邂逅取之或斷章為箋追
辭之所膏液弄聖賢於筆頭隨手之所剪裁
破經典於紙上况遇膠黏之數字得髣髴之
成文偷足其言詞不知觸於忌諱自有風雅
篇章以來孰敢免斯咎者乎廣相採伊尹
之旧筏當大府之典職本箋雖與詩書及乖
新情自與漢晉冥會視其所以觀其所由非
挾於異心以作斯文盖因同躰而偷彼義也

若起于廣相留為流例後之作文者未必免
罪科罪科不免則緣情射物豫設對吏之詞
言泉思風先書入牢之簡也當是時法官論
曰事有舊章理宜遵用云云大府寧為作文
者迴哀惜之情乎又去夏到國者皆曰上自
公卿大夫下及婦人兒子知之不知无不談
廣相為口實如行人言唯以為其為衆毀所
歸之故天下共罪之也若令他人坐此同罪

因其罰深過淺必有為彼詐者可哀則毛羽
創痛遞生輕重之手春兩秋霜交放愛憎之
口也當此時法官論曰刑无二科理宜一定
云云大府寧為彼詐者立赦降之說乎如是
則世之好文章者爭避網羅爭避網羅則无
家學之人无家學之人則文章自茲而廢矣
如聞明法奉宣之後所論各異或云職制律
云被詔書有所施行而違者徒二年失錯者

杖八十注曰失錯詔失其旨廣相是失詔書
旨也或云詐偽律曰詐為詔書及增減者遠
流疏曰意在詐偽而妄為詔勅成文而增減
其事若廣相是詐為詔勅也如是則兩家之
說有重有輕不知誰能得其實論謹案職制
律謂施行詔書失錯其旨者杖罪異于廣相
作詔以乖主上之旨詐偽律謂不據勅命妄
自為詔者遠流反于廣相奉勅以違人君之

意律文遂无正條將以因准論之因准論之
疑罪自從輕輕則廣相之患、明矣若法
之所當罰不足患則大府先於施仁之命諸
卿早停斷罪之宣若世之所、事不得已則
託以放逐邪臣之譏莫用詐為詔書之律
書不知何日姑以類附于此
此全文在寬平二年五月

十七日辛巳右大臣多費事

扶桑略記云十月十七日右大臣源多費

山抄為十六日公卿補任一代要
記帝王編年記歷代皇紀同本
容色如玉吐血氣絕年五十九
天長八年生之
按補任等皆為五十八據
文本書疑誤

公卿補任云源多仁明天皇第一源氏天長
八年辛亥生嘉祥二年正七從四位上同三
正十五阿波守

續日本後紀云嘉祥二年正月壬戌授无位
源朝臣勝源朝臣多並從四位上三年正月

甲午從四位上源朝臣多為阿波守三月丁^{十九}

酉^{仁明}天皇落謫入道誓受清戒四品中務卿宗

康親王從四位上阿波守源朝臣多同時入

道並天皇之皇子也時人莫不悲之
按還俗年月無

所考

公卿補任云仁壽二十二任宮内卿同三正

十六美作守七月一日兼備中守卿如元^齊

年八月廿八日任參議卿守如元^{以上齊衡}

元^{以上齊衡}

二年正月十五日兼越前權守宮内卿如元
四年^{天安元}六月十八日兼左兵衛督卿守如元天
安二年正月十六日兼美濃權守六月一日
兼伊勢權守十一月十四日叙正四位下左
兵衛督如元貞觀三年正月十三日兼備前
權守督如元六年三月八日兼左工門督八
年正月七日叙從三位左工門督如元十年
正月十六日兼近江守十二年正月十三日

任中納言廿八日如元兼左工門督十四年
八月廿五日任大納言十七年正月七日叙
正三位二月廿七日兼按察使十九年^{元慶元}二月
廿九日兼左大將元慶三年十一月廿五日
叙從二位六年正月十日任右大臣左大將
如元
文德實錄云仁壽三年正月丁未從四位上
源朝臣多为美作守宮内卿如故七月庚寅

朔從四位上源朝臣多为備中守宮內卿如
故齋衡元年八月庚辰從四位上源朝臣多
為參議備中守如故二年正月丙申參議從
四位上源朝臣多为越前權守天安元年六
月甲申從四位上源朝臣多为左兵工督二
年正月己酉參議從四位上源朝臣多为信
濃守左兵工督如故六月癸卯參議從四位
上源朝臣多为伊勢守左兵衛督如故

三代實錄云天安二年十一月七日甲子授
參議從四位上行左兵工督兼伊勢守源朝
臣多正四位下貞觀三年正月十三日戊子
參議正四位下行左兵工督兼伊勢守源朝
臣多为備前守左兵工督如故六年三月八
日甲午參議正四位下左兵工督源朝臣多
為左工門督八年正月七日甲申授參議正
四位下行左工門督源朝臣多從三位十年

正月十六日辛亥參議從三位行左工門督
源朝臣多為近江守左工門督如故十二年
正月十三日丙子於紫宸殿前拜大臣以下
參議以上策命曰從三位源多朝臣乎中納
言官尔任賜十四年八月廿五日癸亥策命
曰中納言從三位源多朝臣乎大納言官尔
任賜十五年四月三日丁酉勅賜從三位守
大納言源朝臣多帶劔十七年正月七日辛

卯進從三位守大納言源朝臣多階加正三
位元慶元年二月廿九日辛未大納言正三
位兼行陸奧出羽按察使源朝臣多為左近
工大將餘官如故二年六月八日壬申大納
言正三位兼行左近工大將陸奧出羽按察
使源朝臣多上表請解按察使曰臣聞器違
其分榮非所榮任越其才量還失量中謝臣以
無人望過受國恩祿秩優崇寵命隆赫往年

降詔以臣本官兼督陸奧出羽諸軍事惟彼
兩地異類群居暗昧是非簡畧禮義頃者梟
聲轉大狼心益狂殺我人民燒我城邑臣宜
脚踏沙漠之地身臨胡虜之庭致其腰領之
誅肆其爪牙之銳而臣族非將種門謝兵家
聚米為山更迷指畫之趣單醪投水誰表迎
飲之誠遂使犬羊流離不安巢穴干戈搖動
時為風塵是臣之慙慙莫甚焉是臣之罪罪

莫大焉伏願留陛下遠慮之心罷微臣遙領
之職選龍虎以代之推武猛以求之則鳴鼓
收涕野之聲自當不日嘶馬乾出塞之汗亦
得指期無任悚懼忝竊之至謹奉表陳讓以
聞不省三年十一月廿五日庚辰進大納言
正三位兼行左近工大將陸奧出羽按察使
源朝臣多爵加從二位
菅家文案為源大納言請被返納職封二百

戶狀右臣多久偷龍管重負鴻恩利家有餘
報國猶闕况迺者公用煩數充費難周漆室
之愁臣未含忍謹檢故實故右大臣藤原朝
臣氏宗右近工大将藤原朝臣常行等为大
納言之日各減所食請輸涓露早聽早通遺
蹤既立伏願返納職封二百戶將表微臣之
血誠不勝悃款陳抗以聞臣多誠惶誠恐謹
言元慶四年六月重請被返納職封二百戶

狀右臣多先策款情謹待容納誠之無微拒
以不聽臣家富歲輸伏臘之餘逾積身愚朝
列負暄之志未休今如臣所請事據成式不
敢追風往賢將以底露方寸伏願陛下特垂
含弘之鑒返納臣職封二百戶不堪誠懇重
以表聞臣多誠惶誠恐謹言元慶四年七月
三代實錄云元慶六年正月十日癸丑策命
曰從二位源多朝臣乎右大臣官尔任賜布

十二日乙卯右大臣從二位源朝臣多上表
曰伏望勿使臣受陰罰於彼蒼貪重任於虛
素不許十九日壬戌右大臣從二位源朝臣
多重抗表優詔不聽閏七月十六日丙戌右
大臣多上表伏願陛下留臣所食千戶接遺
美於百年許之

菅家文草為右大臣謝官第一表臣多言伏
奉今月十日詔旨授臣右大臣處身無地窮

谷萬尋危步底春治水三寸謝中臣政多擁咽

偷久喉舌之官材長輪困幸全葭葦之質豈
圖鳳銜乍翦臣之名字載其先鳴龍渙周流
臣之斗筭承其渥澤叩心而畏刻骨以慙慙
畏不足萬死而已伏望陛下高開聖聽遠察
悃丹勿使臣受陰罰於彼蒼貪重任於虛素
不勝誠切上表以聞臣多誠惶誠恐頓首頓
首死罪死罪謹言元慶六年正月十二日右

大臣從二位源朝臣上表重謝官第二表臣
多言今月十四日中使從四位下權左中辨
兼左近工少將藤原朝臣遠經至奉宣勅旨
不聽臣表竊章不翅負荷之力難任榮分無
限戰栗之情何止臣某誠惶誠恐頓首、
死罪、臣內無從流之補外闕橫草之勞
勲賢共空位望惟溢縱令陛下江海其恩奈
神稜鬼瞰何微臣灰塵其骨奈庶績具瞻何

伏願陛下更迴覆燾之德遍施煦嫗之仁量
揆臣誠莫拒懇請不堪兢惕屏營之至重以
抗表陳言臣多誠惶誠恐頓首頓首死罪死
罪謹言元慶六年正月十九日右大臣從二
位源朝臣請減職封半表臣多言臣修表辭
職不聽再迴將重渥愚丹恐屢塵聖纊臣謹
檢承前古來任大臣者培割職封返收公府
臣雖云庸瑣見賢思齊伏願陛下留臣所食

千戶接遺美於百年然則蕭柄之責稍減分
銖金湯之守請文萬一不堪悃款之至上表
以聞臣多誠惶誠恐頓首、死罪、謹
言元慶六年閏七月十六日右大臣從二位
兼行左近工大將臣源朝臣上表

公卿補任云仁和三年十一月十七日叙正
二位御即日四年十月十六日受病十七日薨
年五十八

帝王編年記云右大臣源多仁和四年十月
十七日薨年五十八贈從一位

政事要略云右大臣源朝臣著深紅襖子爰
左工門權佐小野春風為檢非違使趨進跪
大臣後請割此衣大臣雖有愠色事出勅命
默然無言歸第褫去不敢服用誠雖春風之
鹿囂亦是丞相之謹慎也

神皇正統記云仁明の子に母を給ふ人十三人

大臣にのり人多の右大臣光武右大臣

菅家文草春日感故右丞相舊宅

寛平二年

緑柳依二白日斜人蹤銷滅滿庭沙只今暮

宿簷間鳥仍舊春閑砌下花不得平生排閣

謁無勝感悼望門嗟駕肩來客知何在未葬

爭馳到勢家

十九日癸未每朝御拜天神地祇事

江家次第抄云宇多御記云仁和四年十月

十九日我國是神國也因每朝敬拜禮四方

大中小天神地祇敬拜之事始自今度一日

無怠云二

按年中行事
秘抄同之

廿一日乙酉故右大臣贈位事

公卿補任云右大臣正二位源多左大將十

月十七日薨廿一日遣參議正四位下藤原

諸葛治部大輔從四位下橘朝臣休蔭為宣

命使贈從一位

廿七日辛卯參議廣相依恩命出仕事

政事要略云御日記云十月廿七日朕博士
月來蒙冤屈隱居不仕朕傷之日深仍今賜
書於太政大臣基經述朕本懷其報奏曰御書具
奉云二又廣相朝臣事先日奉了而重賜仰
示矣基經從始无何意然前詔者有可關白
大少事之恩命後詔者以阿衡之任為卿任
者也微臣疑先後之詔其趣不同暫不覩官

奏敬慎之懷更无他腸而去六月有不善之
宣命可謂當時之一失謹奉旨云二勅遺使
召博士廣相朝臣即便參入召於龍顏勅曰
依不善事久以隱居中心悼念然而事遂仍
理早就本職勤仕官事即下階再拜

廿八日壬辰大嘗會御楔事

大嘗會御楔日例云仁和四年戊申十月廿八
日壬辰三條末以東宮為內裏出待賢門南行

經三條大路西出御南門

按北山抄為廿五日
扶桑略記一代要記

歷代皇紀為廿七日
帝王編

年記皇代略記等
同本書

皇年代畧記云十月廿八日

壬辰
御楔
三條節

下大納言右大將良世卿

扶桑略記云十月二十七日大嘗會御楔鴨

河

外記日記云仁和四年十月十七日右大臣

源多公薨依彼表請廿日暇親王公卿諸大

夫依召皆參入即奉仕十月大嘗會御楔十

一月齋中彼輕服諸卿皆參入聽政在左近

陣座

中右記云服假中供奉大嘗會御楔例仁和

四年右大臣源多十月十七日薨其年大嘗

會御楔一家人二錐服中有指仰皆以供奉

之

北山抄云仁和四年十月十六日右大臣多

薨王御多在服親而依宣旨供奉廿五日御
禊

十一月大 甲午朔

十日 癸卯可行大嘗會由被告太神宮事

北山抄云可行大嘗會之由被申伊勢事仁

和四年十一月十日天慶九年十一月六日

被立件使

廿二日 乙卯大嘗祭事

帝王編年記云十一月廿二日乙卯大嘗會

近江播戶供奉其事

按一代要記皇年代畧記等同之扶桑略記為

廿三日推干支非

北山抄云卯日戌刻鸞輿出自建禮門入自

昭訓門於東廊壇上改駕腰輿

仁和四年御記云太政大

臣奏云至昭訓門移御腰輿自是微行至神

殿云仁件倒雖不定於昭訓門移御之由見

式并仁和四年御經迴立殿北西入自南戶

御迴立殿仁先御西入自南戶

御迴立殿仁先御西入自南戶

御迴立殿仁先御西入自南戶

近陣前屏幔內

仁和記云置御床南頭

大刀契同候之

主殿寮供御浴

即著祭服本服帛御衣仁和

記云御東方小床

著天羽衣供御湯了御中央二重御疊次御

西方供奉御裝束云二仁和四年記云御座

定內侍奉御衾四度號御大嘗宮內侍二人

腰衾次主水司供御盥

茗寬和次將候之依仁

既御悠紀正殿仁記云

和記者內侍可候御鈕

自南簷內

簾御之

江家次第卯日條云

戊刻御鸞輿出自建禮

門入自昭訓門於東廊壇上改駕腰輿

寬平式如

之仁和四年於東廊

小門前庭移御云二

小右記寬弘九年八月十四日下云

史是氏

進大嘗會行事辨勘文悠紀所右中辨平朝

臣季長

仁和四年主基所左少辨藤原朝臣佐世

和和四年

北山抄云迴仰膳部事仁和例百人之中大

學寮十二人按書殿十人內豎廿人有職親

王太政大臣各四人無職三人大臣三人納

言二人參談一人

廿三日丙辰節會事

北山抄云辰日卯刻乘輿出光範門仁和寬平例如

之入自豐樂院不老門御清署堂時刻御悠

紀帳近伏稱警蹕仁和有鈴奏天慶大臣宣

召刀禰參談以上五位以上左右分入六位

以下分入異位重行立定大臣宣侍座親王

以下謝座謝酒訖各著座諸伏共居式此悠紀國

將別貢物參入云天長記群臣著座後獻

御屏風厨子等有數可後又獻御捧頭等志

則往昔有如此別貢也而近代無可事云所

云仁和御厨子納集注史記百廿卷獻之

司供御膳仁和天慶事訖入御天皇御主基

帳王卿仗頭列立小忌五位以上直度列立

馳道西大臣仰侍座新式云大臣召之仁和

之仰謝座酒如常儀

又云兩國倉代等物列立觀德明儀兩堂前

仁和主基記云酒奠菜并櫃物類前列次飭

理酒十基六角倉代次立倉代物東上北面

廿四日丁巳節會事

北山抄云己日長刻御悠紀帳事訖御主基

帳獻御排頭天慶重明親王傳

廿五日戊午參議有実等加階事

公卿補任云參議正四位下藤有実左中將

備前權守十一月廿五日叙正四位上參議

正四位下源直右中將播磨權守十一月廿

五日叙正四位上參議正四位下攝廣相左

大辨近江守侍從十一月廿五日叙正四位上

廿七日庚申始置五位藏人事

職事補任云仁和四年十一月廿七日始置

五位藏人二人止六位二人左近少將正五

位下源湛仁和四年十一月廿七日補左近

少將從五位下藤原敏行同月廿七日補按

中歷為廿四日歷代皇紀同本
書但以敏行補為十九日誤也

歷代皇紀云藏人源湛正五位下左近少將
仁和四年十一月廿七日補左大臣融一男
藤原敏行從五位下左近少將同十一月十
九日補按察使富士磨一男按三少將魚誤
為中將今依公
御補任一代要記
古今集目錄改之
河海抄云藏人少將仁和四年十一月始被
補之于時正五位下左近少將源湛正五位
下左近少將藤原敏行也

十二月小 甲子朔

廿三日丙戌伊勢使參宮事

神宮雜事記云仁和四年十二月廿三日勅
使參宮王神祇伯雅望王中臣大祐大中臣
時常忌部小祐齋部祐雄等也而度會川御
後之間祐雄力從者童俄馬二被踏天頓滅
己了仍祐雄急佗馬二乘替天參宮己了

廿六日己丑立春事

管家文草立春

在十二月廿六日

偏因曆注覺春來

物色人心尚冷灰 誣告浪從冰下動 暗思花

在雪中肉浮雲 自後寒夜暖 壯日如今去不

迴消息窮通皆有運 莫言瑾戶不驚雷

是月讚岐守道真行佛名會事

管家文草懺悔會作

三百八言

一切衆生煩惱身

求哀懺悔仰能仁 承和聖主勅 初下貞觀明

王格永陳內自九重外 諸國起於万乘及黎

三之三

民年終三日繫心馬 天下一時轉法輪發願

以來五十載星霜如 故事如新我今為吏居

南海朝夕翹誠望 北辰趨拜宮門或佞士奉

行制旨即忠臣會 之前後禁屠割會之中間

絕葷辛禪悅寒擎霜 梳味過伽曉指井華神

城中遍滿菩提念 境內掃除雜染塵香出善

心無用火花崗合 掌不閑春叟依一萬三千

佛經中哀愍二十八万人部內邊地生二常

下賤未來世二亦單貧非由宿業皆如此忽
復當時更結因无量无边何處赴自身自口
此中臻逋逃課稅冥司錄欺詐公私獄卒瞋
渙叟暗傷昔兄弟獵師好殺旧君親在風濫
訐掣耕舌習俗狂言湯爛脣違教万方罪先
現乖和一夕苦相導肉瓦羅利鬼前又骨赴
泥梨鼎下薪疑惑愚癡無曉悟雖無曉悟欲
精懃可懃可愧誰能勸菩薩弟子管道真

是年仲野親王贈官位事

尊卑分脈云仲野親王二品式部卿貞觀九

正十七薨仁和四年賜一品太政大臣

三代實錄云貞觀九年正月十七日戊午二

品仲野親王薨女諱班子光孝天皇龍潛之

日納之藩邸生朱雀太^{宇多}上天皇天皇踐祚之

日尊為皇太夫人追贈親王一品太政大臣

六條皇后御惱事

扶桑略記云相應和尚傳云仁和四年六條
皇后有御惱事和尚行年六十依召參於御
加持三个日夜不動居處永忘眠食四日曉
皇后舉音叫喚屈身宛轉寢殿殆欲顛倒此
間靈狐現形出自斗帳乾角東西南北徃反
走迷爰太政大臣并諸人恐懼戰栗五情失
之於是和尚誦解脫咒震動已止迷狐僅出
皇后御惱已以平復勅賜度者被物等

已上傳文

三之卅五

○按本傳為元年
姑載于此傳異說

始置金剛峯寺座主事

高野山檢校帳云真杰師道業清高能繼法

流從空海遺言造營諸伽藍宇多天皇仁和

四年戊申擢置金剛峯寺座主職

按一代要記為寬平元年疑誤

一代要記云寬平元年己酉始置金剛峯寺

座主職

東寶記云真杰僧正餘年、暮寬平之初遂
叟高野本山爰請申公家初置山座主壽長大法
師是其元也

叡山衆徒建立前唐院事

濫觴抄云禪道院前唐院近來宇多二年和仁

四 建立延曆寺禪道院云二按扶桑略記和漢合運又載之

慈覺大師傳云仁和四年建立大師本願禪

院是南大年名納言山莊也在延曆寺西坂本大

衆合力以錢二百貫買得也

叡岳要記云前唐院昔捨皮五間三面屋一

宇安置慈覺大師新從唐所渡真言秘教曼

荼羅道具并天台教迹戒律坐禪諸宗章疏

傳教大師影及慈覺大師真影坐像右院大

師平生禪房也按山門堂舍記同之

權律師延壽入滅事

釋家初例抄云延壽南京權法務始于時大威後師

貞觀十四年三月十四日補之同十六年十
二月廿九日任權律師仁和四年入滅按歷代皇
紀為
三年

東寺長者補任云仁和四年延壽權法務卒
真雅卒後十一年延壽律師獨法務也延壽
卒後七個年摠不被補法務

歷代皇紀云律師延壽仁和三年卒七十

常陸書生无鳥貞成供養千部法華經事

扶桑略記云叡山南谷沙門藥恒所撰本朝
法華驗記云仁和四年常陸國書生无鳥貞
成其它巨富財貨豐贍素篤信崇敬佛法一
般請列百人能書於金光明寺寫百部法華
經暨于十度書千部了每日衣冠礼經三遍
設四日之法會演八座之講經於國分寺閑
講供養東大寺僧延喜是當時龍象決擇秀
倫說法無比請件沙門为其講匠施以千端

之布供以百味之食其後檀那卽世星霜多
移貞成之孫淺井春澤勤公有勞賜國掾著
任之間驛馬之中有一斑駁背有銘文无鳥
貞成春澤驚異以稻千束買得此馬厚與水
草不敢役仕貞成入夢云我为償前生報今
受驛馬身也春澤夢中問云書寫千部法華
經勤修四日大法會何受此報乎貞成答云
善惡之報各以有別雖受馬身隔生以後依

經力可得生天苦役之期已以不幾而贖買
我役安身經迴矣春澤忽为貞成寫法華經
一部厥後彼馬不經旬日於旣中斃

按又見
元享釋

史料卷之三

